

店晚飯後到中華商會影畫。僑胞到者十至八九。十一號午前葉五君領遊全埠。午後二時中華會館茶會歡迎。鍾洪李三君各有演說。隨即開捐。是夕爲該埠西人及僑胞昨夕未到者再開影畫。由吳秉謙李勵予兩君先後用英語解釋十二號早乘車回意基忌Yaguine當過華刺之時。馬月廷君代表其戚鄭棠君交來捐款。至保素則有鄭翹仲君由硝山出。上車報捐。及抵中央站旅館主人吳液波又早已預備捐款。見時即交。尤爲熱誠可敬。是晚三時鍾洪李三君安抵本埠。計共走十一日。停十一站。共捐得美金四千五百五十四元。其名姓捐數。容日刊報表彰。

各埠
華僑
團體歡迎鍾榮光先生紀盛

▲華冷架華僑之歡迎

蘇備華冷架訪員函云。九月廿七日。鍾榮光先生駕臨本埠。華僑團體假座華冷架國民黨分部歡迎。並設宴爲鍾先生洗塵。是晚八時入席。該埠地方官吏均有與宴。首由主席鄭平君宣佈開會理由。黃棟臣君宣讀歡迎詞。隨請鍾先生演說。李樂平君答詞。隨操西語演說。該埠市政長亦有演說。大致

深贊鍾先生熱心辦學。來賓黎拾義君演說。教育爲救國良藥。僑商李月天君黃冠三君鄔裕均君相繼演講。每度演畢。鼓掌之聲。聲震屋宇。譙至十二時後乃盡歡而散。洵盛會也。其詞如下。

今夕得鍾榮光先生及古桂芬先生與及來賓枉駕光臨。真是敝會館增無限生色。鍾先生之所以得人欽佩者。乃道德高深。學問宏博。更存一種救世救民之心。爲謀擴充嶺南農科大學起見。遠道而來。向海外僑民募捐。抵步秘都。先得馬利與介休各會館社團開會歡迎。今夕駕臨敝會館。同人等非敢謂各會館社團招待之周到。次序之整齊。不過畧具薄酌叙會。聊表微意而已。謹祝鍾先生前途光偉。並祝中華民國教育發達。華冷架福和會館同人謹祝

八地尾架華僑之歡迎

蘇備屬之八地尾架埠通訊云。九月廿八號。黎君十義。偕同鍾榮光先生。是午駕臨本埠。埠上政界。預日得接上憲電令保護。故特派警官，地保。偕同華僑多位。齊詣車站歡迎。隨到永福公館暢談。是晚在旅店設筵公